



ԱՆՅՐ ԵԹՈՒՌՄ
ԵՊ ԹԵՄԵՐՈՒՄ

ՄԵԾԻ ՊԱՀՈՑ ՇՐՋԱՆՈՒՄ ՎԵՀԱՓԱՌ ՀԱՅՐԱՊԵՏՆ ԱՅՑԵԼԵՑ ՀԱՅԱՍՏԱՆԻ ՏԱՐԲԵՐ ԹԵՄԵՐ

Նորին Սուրբ Օծություն Տ.Տ. Գարեգին Ա Ամենայն Հայոց Կաթողիկոսը, Մեծի Պահոց շրջանում այցելեց Հայաստանյայց թեմերը և իր հայրական պատգամը հղեց հավատացյալ ժողովրդին:

Ուրբաթ օրը, մարտի 6-ին, կեսօրից հետո, Վեհափառ Հայրապետն այցելեց Արագածոտնի թեմ՝ Ապարան: Ընանապարհին Նորին Սրբությունը կանգ առավ Օշականում, որտեղ աշխատանքային հանդիպում ունեցավ թեմակալ առաջնորդ Տ. Նավասարդ եպս. Կճոյանի և Ար. Մաշտոցի անվան դպրատան վարիչ-տնօրեն Ալֆրեդ Ծախնազարյանի հետ: Վեհափառ Հայրապետը հաստատեց դպրատան 1998-1999 թթ. միջոցառումների /գիտաժողովներ, ցուցահանդեսներ/ մի քանի ծրագրեր: Վեհափառ Հայրապետն այցելեց մահ դպրատան գրադարան ու թանգարան, գոհունակությամբ նկատեց մի շարք մտավորականների, արվեստագետների նվիրատվություններով հարստացած դպրատան հավաքածուները:

Օշականից Վեհափառ Հայրապետն ուղևորվեց Ապարան: Քաղաքի կենտրոնից Վեհափառ Հայրապետը Արագածոտնի մարզպետի պաշտոնակատար Ռաֆիկ Մկրտչյանի, Ապարանի քաղաքապետի և ժողովրդի հոծ բազմության հետ միասին շարժվեց դեպի Ս. Խաչ պատմական եկեղեցի, որտեղ հոգևորականները և դպրաց խմբի անդամները կատարեցին խաղաղական ժամերգություն:

Վեհափառ Հայրապետը իր պատգամը տվեց ժողովրդին՝ Մեծ Պահջի շրջանում նրանց հրավիրելով հոգևոր և բարոյական ինքնաքննարկման և ինքնաարքագրման, «որպեսզի քրիստոնեական հավատքից և սուրբ հայրերի քրիստոնեական ավանդույթներից ժառանգված հոգևոր և բարոյական արժեքները վերականգնանան և վերապտղավորվեն արդի կյանքում, ազատ ու անկախ Հայաստանում»:

Վերջում ներկաներին բաժանվեց Վեհափառ Հայրապետի խոհերն ու մտքերն ամփոփող Մեծի Պահոց շրջանին նվիրված «Հայրենաշունչ խոսքեր» մեք սիրեցյալ ժողովրդին» գրքուկին:



Կիրակի օրը, մարտի 8-ի առավոտյան, Վեհափառ Հայրապետը մեկնեց Գեղարքունյաց թեմ՝ Գավառ: Քաղաքի մուտքին Ամենայն Հայոց Կաթողիկոսին դիմավորեցին թեմակալ առաջնորդ Տ. Անանիա եպս. Արաբաշյանը, Գեղարքունիքի մարզպետ Պավել Ասատրյանն ու Գավառի քաղաքապետը: Օջախմբի ուղեկցությամբ Վեհափառ Հայրապետն ուղևորվեց Գավառի Ս. Աստվածածին եկեղեցի: Հընթացս կիրակօրյա Ս. Պատարագի քարոզեց Վեհափառ Հայրապետը՝ Մեծ Պահջի առիթով իր պատգամը հաղորդելով ժողովրդին:

Նույն օրը Վեհափառ Հայրապետն այցելեց Գավառի մանկատուն, որին

աջակցում է նաև Հայ Առաքելական եկեղեցին: Մանկատանը բնակվող ավելի քան 100 երեխաները վեհափառ Հայրապետին դիմավորեցին շարականների երգեցողությամբ, ապա Նորին Արքայանքը մփրեցին իրենց ձեռքերով գործված փոքրիկ գորգ:

Հրաժեշտ տալով Գավառին, Ամենայն Հայոց Կաթողիկոսը մեկնեց Ջորազուղ՝ Մսրոց անապատ եկեղեցի: Գյուղի բնակչությունը մեծ խանդավառությամբ դիմավորեց վեհափառ Հայրապետին, ապա և ունկնդրեց Հայոց Կաթողիկոսի քարոզը:

Վեհափառ Հայրապետը, Մեծ Պահքի օրերին շարունակելով այցելությունը Հայաստանյան թեմեր, մարտի 13-ին մեկնեց Կոտայքի թեմ /Արովյան/, մարտի 18-ին՝ Արարատյան Հայրապետական թեմ /Երևան/, և մարտի 20-ին՝ Արմավիրի թեմ /Բամբակաշատի եկեղեցի/:

ՄԱՄԼՈ ԴԻՎԱՆ ՄԱՅՐ ԱԹՈՒԻ